

2015-10-21 11:26

protokol

0038733755222 >> 751825665

P 1/3

Sindikat Uprave policije Crne Gore, Nezavisni sindikat djelatnika MUP-a R Hrvatske, Makedonski policijski sindikat, Unija samostalnih sindikata policije Federacije BiH, Sindikat Granične policije BiH, Nezavisni sindikat policije Srbije, Policijski sindikat Slovenije, Sindikat policije Albanije i Sindikat policije Kosovo, na međunarodnom seminaru održanom u dane 02.10. do 03.10.2015 godine u mjestu Budva, Crna Gora nakon razmjene iskustava, razmatranja zakonodavno pravne regulative kojima su uređena temeljna prava iz radnog odnosa policijskih službenika te iznijetih diskusija i prijedloga, usvajaju sljedeću :

REZOLUCIJU

Učesnici seminara zaključak da u prisutnim susjedskim zemljama i pored različitosti i specifičnosti svakog zakonodavno pravnog sistema kojima su regulisana temeljna prava iz radnog odnosa policijskih službenika, treba nastojati da se zbog historijskog naslijeđa, geostrateške upućenosti, ekonomsko materijalnih interesa i opšte povezanosti ovih zemalja najkvalitetnija rješenja iz pojedinih zakonodavstava predlažu aktualnim Vladama i sa apsketa sindikalnog djelovanja na istim insistirati se konačnim ciljem da se uspostavljeni standardi izjednače ili barem približe važećim zakonskim rješenjima iz ove oblasti u zemljama Evropske unije.

Učesnici seminara, nakon prezentiranja stvarnog stanja u oblasti poštovanja zakona i drugim izvorima garantiranih prava iz radnog odnosa u svim zemljama, razmjene iskustava ali i temeljem analitičkog prikaza broja pokrenutih i pravosnažno presuđenih sudskih postupaka u korist uposlenika, saglasni su da vlasti i po cijenu plaćanja sudskih i drugih troškova te zatezanih kamata ne pokazuju namjeru mirnog rješavanja sporova iz radnih odnosa usljed čega se bezrazložno troši energija sudskih i upravnih organa vlasti, ali i znatna finansijska sredstva koja su mogla biti upotrijebljena u svrhu materijalno tehničkog jačanja policijskih snaga.

Prisutni predstavnici su saglasni da se temelj učinkovitog socijalnog dijaloga nalazi u povjerenju, toleranciji, uvažavanju, privrženosti zadacima i opredjeljenju za usklađivanje posebnih i opštih interesa svih učesnika socijalnog dijaloga, pri čemu je nužno insistirati na preuzimanju odgovornosti za preuzete obaveze svih partnera iz čega slijedi da se socijalni mir ne može nametnuti ali se može ostvariti međusobnim dogovorom.

Također, prisutni procjenjuju da će u narednom periodu policijski sindikalni pokret biti na velikim iskušenjima koja u kraju mogu rezultirati osipanjem članstva, padom efikasnosti u kolektivnom pregovaranju te problemu definisanja interesa zbog heterogenosti članstva pa do nesudjelovanja u sindikalnim aktivnostima i slabljenjem veza sa rijetko pozitivno nakhonjenim predstavnicima vlasti. U cilju izbjegavanja naprijed navedenih neželjenih posljedica sindikalnog aktivizma, učesnici seminara su saglasni da je neophodno sindikalno povezivanje kako na domaćem tako i na međunarodnom planu, zajedničko proširenje i utvrđivanje područja sindikalnog djelovanja te prilagođavanje metoda sindikalnog rada izazovima savremenih tehnologija, a na čemu će u narednom periodu intenzivno raditi.

Budva, 03.10.2015.godine

SINDIKAT POLICIJSKIH SLUŽBENIKA			
KOD: 09.10.2015			
Broj Jed.	Ime	Priglas.	Učesnik
Uč. broj	Ime	Ime	Ime



Sindikat Uprave policije Crne Gore, Nezavisni sindikat djelatnika MUP-a R Hrvatske, Makedonski policijski sindikat, Unija samostalnih sindikata policije Federacije BiH, Nezavisni sindikat policije Srbije, Policijski sindikat Slovenije, Sindikat policije Albanije i Sindikat policije Kosovo uz učešće Sindikata granične policije BiH, na međunarodnom seminaru održanom u dane 02.10. do 03.10.2015 godine u mjestu Budva, Crna Gora nakon razmjene iskustava, razmatranja zakonodavno pravne regulative kojima su uređena temeljna prava iz radnog odnosa policijskih službenika te iznijetih diskusija i prijedloga, dostavljaju sljedeće :

PISMO PODRŠKE

Uvažavajući standarde propisane Lisabonskom konvencijom iz 2007.godine i Ugovora o funkcioniranju Evropske unije gdje se kao osnovni cilj nameće proklamovanje socijalnog dijaloga između poslodavca i zaposlenih uz uvažavanje specifičnosti svake zemlje ponosob, kao i dostignute standarde u sindikalnom radu i djelovanju zemalja okruženja, učesnici seminara daju punu podršku radu i djelovanju kolegama iz Sindikata granične policije Bosne i Hercegovine.

Takođe, koristimo priliku da ministru Ministarstva sigurnosti Bosne i Hercegovine te direktoru Granične policije Bosne i Hercegovine uputimo zamolbu da pokažu visok stepen socijalne osjetljivosti kao i moralne odgovornosti te našim kolegama, aktivistima Sindikata granične policije Bosne i Hercegovine pruže neophodnu pomoć u njihovom sindikalnom radu i djelovanju, a kako bi iste plemenite aktivnosti rezultirale poboljšanjem sveukupnog radno-pravnog statusa službenika Granične policije, ali time doprinjeli visokom stepenu sigurnosti na bosanskohercegovačkim granicama.

Ostajte s poštovanjem,

Dostaviti:

- Ministarstvo sigurnosti BiH, n/r ministra
- Granična policija BiH, n/r direktora

